

**ТОШКЕНТ МОЛИЯ
ИНСТИТУТИ**



**ЎЗБЕКИСТОН РЕСПУБЛИКАСИДА СОЛИҚ
МАЪМУРИЯТЧИЛИГИ САМАРАЛИ
ФАОЛИЯТИНИ ТАЪМИНЛАШ: НАЗАРИЙ-
КОНЦЕПТУАЛ АСОСЛАР ВА АМАЛИЁТ
МУАММОЛАРИ**

*Республика миқёсидаги илмий-амалий
конференция*

МАТЕРИАЛЛАРИ ТЎПЛАМИ

2022 йил 22 апрель

**ЎЗБЕКИСТОН РЕСПУБЛИКАСИ ОЛИЙ ВА
ЎРТА МАХСУС ТАЪЛИМ ВАЗИРЛИГИ**

ТОШКЕНТ МОЛИЯ ИНСТИТУТИ

**ЎЗБЕКИСТОН РЕСПУБЛИКАСИДА
СОЛИҚ МАЪМУРИЯТЧИЛИГИ
САМАРАЛИ ФАОЛИЯТИНИ
ТАЪМИНЛАШ: НАЗАРИЙ-
КОНЦЕПТУАЛ АСОСЛАР ВА
АМАЛИЁТ МУАММОЛАРИ**

*Республика миқёсидаги илмий-амалий
конференция материаллари
2022 йил 22 апрель*

**ТОШКЕНТ
«QAMAR MEDIA»
2022**

УЎК 336.02(575.1)
КБК 65.261.4(5Ў36)

Таҳрир ҳайъати аъзолари:

Уразалиев К.Т., Усманова М.С., Джамалов Х.Н., Бердиева У.А., Шодиев О.А.,
Артиков Н.А., Ибрагимов Б.Б.

«Ўзбекистон Республикасида солиқ маъмуриятчилиги самарали фаолиятини таъминлаш: назарий-концептуал асослар ва амалиёт муаммолари» мавзусидаги илмий-амалий конференцияси материаллари тўплами. – Т.: «QAMAR MEDIA», 2022. – 783 б.

Мазкур илмий-амалий конференция материаллари Тараққиёт стратегиясида белгилаб берилган солиқ сиёсатини такомиллаштириш жихатларини камраб олган ҳамда улар юзасидан муаллифларнинг фикр-мулоҳазаларини ўзида мужассам этган. Илмий тезисларнинг мазмуни ва унда келтирилган маълумотларнинг тўғрилигига муаллифларнинг ўзлари масъулдирлар.

Материалы научно-практической конференции включают в себя приоритетные направление Стратегии развития совершенствования налоговой политики в повышении конкурентоспособности национальной экономики, а также научные взгляды и собственные мнения авторов. Следует отметить, что за содержание текста тезиса ответственность несут авторы.

The materials of the scientific-practical conference include the topical problems of improving tax policy to improve the competitiveness of national economy, as well as scientific views and opinions of the author's. It should be noted that, the authors of the abstracts are responsible for the content of the text.

инновацион ғояларни ишлаб чиқаришда қўллаш мақсадида бакалаврлар тайёрлаш масалаларни ўрганиб чиқиш;

(“Кимёвий технология”, “Фойдали қазилма конлари геологияси, қидирув ва разведкаси”, “Геология ва нефть-газ конларини қидириши”, “Маркшейдерлик иши”, “Қурилиш материаллари ишлаб чиқариш техниги” ва б.қ.)

5. Тадбиркорларнинг барча органларга (ҳалқ қабулхонаси, ҳуқуқни муҳофаза қилувчи органлар, назорат органлари) қилган мурожаатлари ҳар ойда таҳлил қилинган ҳолда депутатлар кенгашида муҳокама қилиниши ва тадбиркорларнинг мурожаатлари ошган ҳудудлар раҳбарларининг ҳисоботлари тингланишини йўлга қўйиш;

6. Тадбиркорлар фаолиятини текширишлар сонини кескин қисқартириш, текширишлар тартибини бузган ёки ноқонуний текширишлар ўтказилишига имконият яратган ташкилот раҳбарларига қатъий чоралар кўрилиши;

7. Тадбиркорларнинг инновацион фаолият юритишга қизиқишини орттириш мақсадида ушбу фаолиятни рағбатлантириш юзасидан таклиф ишлаб чиқилиши;

8. Сектор раҳбарларининг фаолиятини баҳолаш мезонларига тадбиркорликка доир алоҳида кўрсаткичларни киритиш лозим.

Ғ.А.Сафаров, ТМИ

“Солиқлар ва солиққа тортиш”

кафедраси тадқиқотчиси, и.ф.н, доцент

РЕСУРС СОЛИҚЛАРИНИ ТАКОМИЛЛАШТИРИШ

Мустақиллик йилларида Ўзбекистон Республикаси солиқ тизими тубдан янгидан ташкил қилинди. Солиқ тизими мамлакат иқтисодиётининг ривожланишига мутаносиб равишда ислоҳ қилиниб, бугунги кунда миллий анъаналаримизни ва жаҳон амалиётининг илғор тажрибаларини ўзида мужассам этган солиқлар амал қилмоқда. Бу борада кенг қўламли солиқ ислохотларини олиб борилиши натижасида аҳолининг реал даромадларини ошишига, ишлаб чиқаришни модернизациялашга, кичик бизнес ва хусусий тадбиркорликнинг қўллаб-қувватлаш орқали улар фаолиятини жадал ривожлантиришга эришилди. Айниқса, бюджет-солиқ тизимининг эркинлаштирилиши мамлакатимиз иқтисодиётининг ривожланишига муҳим омил бўлиб хизмат қилмоқда.

Ўзбекистон Республикасининг солиқ сиёсатини такомиллаштириш концепциясини қабул қилиниши натижасида табиий ресурс ва мол-мулкларни солиққа тортиш тизимида кескин бурилиш бўлди¹. Барча тадбиркорлик субъектлари учун мол-мулк солиғи, ер солиғи ва сув

¹ Ўзбекистон Республикаси Президентининг 2018 йил 29 июндаги “Ўзбекистон Республикасининг солиқ сиёсатини такомиллаштириш концепцияси тўғрисида”ги ПФ-5468-сон Фармони (<https://www.lex.uz>).

ресурсларидан фойдаланганлик учун солиқнинг жорий этилиши уларни бундай ресурслардан самарали ва оқилона фойдаланиши учун иқтисодий механизм яратди.

Ўзбекистон Республикасининг солиқ сиёсатини такомиллаштириш концепциясини амалиётга жорий этилиши натижасида табиий ресурс ва мол-мулкларни солиққа тортиш тизимидаги ўзгаришларни давлат бюджети ва солиқ тўловчилар фаолиятига таъсирини танқидий ўрганиш долзарб аҳамият касб этмоқда.

Мамлакат солиқ тизими ва унинг хусусиятлари Ўзбекистон Республикасининг солиқ кодексида ўз ифодасини топган. Ўзбекистон Республикаси ҳудудида бир қатор солиқлар ва мажбурий тўловлар амал қилиб, улар таркибида эгри ва тўғри солиқлар асосий ўринни эгалласада, ресурс тўловлари ва мол-мулк солиғи ҳам алоҳида аҳамиятга эга.

Мол-мулк ва табиий ресурс солиқлари иқтисодий моҳиятига кўра кўпроқ тўғри солиқларга мос келсада, хусусиятларига кўра тўғри солиқларнинг бошқа турларидан фарқ қилади.

Шу билан бирга мазкур турдаги солиқларнинг бюджет параметрларида алоҳида акс эттирилганлиги, уларга алоҳида ёндашувни талаб этади.

Солиқлар давлат бюджети даромадларини етарлича маблағ билан таъминлаш билан бирга, мамлакатда тадбиркорлик фаолиятининг ривожланишига хизмат қилиши зарур. Табиий ресурс ва мол-мулк солиқлари юқоридагилардан ташқари хўжалик субъектларининг ресурслардан самарали ва оқилона фойдаланишига хизмат қилиши керак.

Мамлакатимизда солиққа тортишнинг икки хил тартиби, яъни умумбелгиланган ва соддалаштирилган тартиби амал қилиб, 2019 йилга қадар йирик корхоналар умумбелгиланган тартибда солиқ тўлаган бўлса, кичик тадбиркорлик субъектлари бир нечта солиқлар ва мажбурий тўловлар ўрнига соддалаштирилган солиқларни у ёки бу турини тўладилар. Натижада, соддалаштирилган солиққа тортиш тартибларида солиқ тўлаган хўжалик субъектлари мол-мулк солиғи, ер солиғи ва сув ресурсларидан фойдаланганлик учун солиқни тўламадилар.

Республикамиз солиқ тизимини соддалаштириш борасида амалга оширилган ислохотлар охир-оқибат солиқ тизимини мураккаблаштириб юборди. Солиқ тизимининг нобарқарорлиги сабаблари тадқиқи ягона солиққа тортиш механизмларида бўшлиқлар мавжудлигини кўрсатди. Бундай бўшлиқларни бартараф этишга бўлган ҳаракатлар нафақат солиқ режимлари кўпайиб кетишига, балки солиқ ставкаларининг ҳам ҳаддан зиёд табақалашувига, шунингдек, солиқ базаларини аниқлашнинг илмий асосланмаган турли хил базавий меъёрлари ўрнатилишига олиб келди.

Ўзбекистон Республикасининг солиқ сиёсатини такомиллаштириш концепциясида солиқ юкини изчиллик билан камайтириш, солиқ солиш

тизимини соддалаштириш ва солиқ маъмуриятчилигини такомиллаштиришга алоҳида эътибор қаратилди.

2019 йилдан барча тадбиркорлик субъектлари учун мол-мулк солиғи, ер солиғи ва сув ресурсларидан фойдаланганлик учун солиқнинг жорий этилиши уларни бундай ресурслардан самарали ва оқилона фойдаланиши учун иқтисодий механизм яратган бўлсада, табиий ресурс ва мол-мулкларни солиққа тортиш тизимида айрим муаммолар кузатилмоқда.

Республикада ер солиғи ставкалари ердан фойдаланиш мақсадига кўра белгиланиб, унинг ставкасини белгилашдаги асосий мезон бўлиб ернинг балл-бонитети ҳисобланади. Ер солиғи юкининг асосий қисми ноқишлоқ хўжалиги корхоналари зиммасига тўғри келган бир шароитда, улар учун ер солиғи объектининг ер майдони қилиб белгиланиши ер солиғининг моҳиятини ўзида етарлича намоён этмайди. Чунки ноқишлоқ хўжалиги корхоналарининг асосий фаолияти қишлоқ хўжалиги билан боғлиқ эмаслигини эътиборга олган ҳолда, бундай корхоналар учун ер солиғининг объекти ер майдони эмас, балки ернинг жойлашуви, унга бўлган талаб ва таклиф асосида шаклланган ернинг кадастр қийматидан ундирилиши ўз моҳиятини кўпроқ намоён этади. Бу ўз навбатида, келажакда амалдаги ер солиғи ва мол-мулк солиғини унификация қилиш имкониятини яратади. Қолаверса, ноқишлоқ хўжалиги корхоналарининг ерга бўлган зарурати даражасида ер участкаларидан фойдаланишга бўлган манфаатдорлигига, шунингдек, ерларнинг сифатини яхшилашга қаратилган чора-тадбирлар учун молиявий ресурсларни шаклланишига ижобий таъсир кўрсатади. Ўз навбатида, қишлоқ хўжалиги товар ишлаб чиқарувчиларини солиққа тортиш тартибини тубдан қайтадан кўриб чиқиш ва уларни республикада табиий ресурсларнинг асосий истеъмолчиси эканлигини ҳисобга олиб, табиий ресурс солиқларига устуворлик бериш ва уларни даромад олиш мавсумийлигидан келиб чиқиб тўлаш тартибларининг жорий этилиши мақсадга мувофиқ.

Республикада амалда бўлган бошқа солиқлардан фарқли равишда, кўп йиллардан буён ер участкаларига солиқ солиш тизимини халқаро тажрибалардан келиб чиқиб такомиллаштириш ишлари амалга оширилмади. Амалдаги тизим ва ўрнатилган ставкалар солиқ солишнинг адолатлилиқ тамойили талабларига тўлиқ жавоб бермайди. Шу боис, ер участкаларидан солиқ ундириш тартиби ва тизимини қайта кўриб чиқиш мақсадга мувофиқ.

Табиий ресурс солиқларининг асосий турларидан бири ҳисобланган ер қаъридан фойдаланганлик учун солиқ ставкалари ер ости бойликларининг турларига қараб табақалашган тарзда белгиланган ва кўп йиллар давомида деярли ўзгартириш киритилмаган. Охирги йилларда ер ости бойликларининг жаҳон бозоридаги нархи бир текис эмас. Шу боис, амалдаги ер қаъридан фойдаланганлик учун солиқ ставкаларини қайта кўриб чиқиш ва янги қазилма бойликлар учун солиқ ставкаларини

белгилаш мақсадга мувофиқ. Шунингдек, солиқ ставкасини казиб олинаётган айрим казилма бойликларининг оғирлигига (тонна) нисбатан белгиланиши ҳақиқатда тўланиши лозим бўлган солиқ суммасини аниқлашда муаммоларни келтириб чиқармоқда. Масалан, казиб олинган фойдали казилманинг миқдори статистик ҳисоботларда ҳажмда (куб.метр) кўрсатилади, бироқ казилмаларнинг зичлиги бир-биридан фарқ қилганлиги боис, ҳажмни (куб.метр) оғирликка (тонна) ўтказишда солиқ тўловчи ва солиқ органлари ўртасида тушунмовчилик юзага келмоқда, натижада солиқ ҳисоботлари нотўғри тўлдирилмоқда.

Ер қаъридан фойдаланганлик учун солиқни такомиллаштиришда уни ҳисоблашни соддалаштириш, шаффофликни ва тушумнинг тўлиқлигини таъминлаш мақсадида, солиқ ставкаларини ер ости бойликларининг ҳажмига нисбатан белгилаш мақсадга мувофиқ.

Мамлакатда сув ресурсларини тежаш ва улардан самарали фойдаланиш мақсадида ҳар йили сув ресурсларидан фойдаланганлик учун солиқ ставкалари индексация қилинмоқда. Бу ҳолат кўпинча иқтисодиётдаги инфляция даражаси билан боғлиқ. Чунки сув ресурсларидан фойдаланганлик учун солиқ ставкалари фойдаланилган сув ҳажмига нисбатан қатъий сўмда белгиланган.

Тадқиқотлар кўрсатмоқдаки, амалдаги сув ресурсларидан фойдаланганлик учун солиқ ставкаларини такомиллаштиришда қуйидагиларга эътибор қаратиш лозим:

- алкоғолсиз ичимликлар ишлаб чиқарувчи корхоналарнинг бошқа мақсадлар учун ишлатилган сув ҳажмига саноат корхоналари учун белгиланган ставкаларни;

- алкоғоль маҳсулотлари ва пиво ишлаб чиқариш учун сарфланган сув ҳажмига алкоғолсиз ичимликлар ишлаб чиқариш учун сарфланган сув ҳажми учун белгиланган ставкаларни қўллаш мақсадга мувофиқ.

Ривожланган мамлакатлар тажрибаси кўрсатмоқдаки, хўжалик субъектларининг табиий ресурслардан меъёридан ортиқ, улардан ваколатли органларнинг рухсатисиз фойдаланганиши солиқ мажбуриятларини ҳам ошишига олиб келади. Бу орқали чекланган ва қайта тикланмайдиган табиий ресурслардан фойдаланишни солиқ механизми воситасида тартибга солишга эришилади. Шу боис, сувдан фойдаланиш ва истеъмол қилиш лимит (меъёр)ларидан ортиқча олинган сув ҳажми учун ҳамда сув ресурсларидан ваколатли органларнинг рухсатисиз фойдаланилганда сув ресурсларидан фойдаланганлик учун солиқ базавий ставкасининг оширилган миқдорини қўллаш зарур. Мазкур тартиб натижасида сувдан фойдаланувчиларнинг масъулиятини ошириб, сув ресурсларидан оқилона фойдаланишга иқтисодий механизм орқали таъсир кўрсатилади.

Юридик шахслардан олинадиган мол-мулк солиғи объектини белгилашда сўнгги йилларда бир қатор ўзгартиришлар киритилди. Солиқ

солиш объектидан номоддий активлар қиймати чиқариб ташланди ва бошқалар. Шунга қарамасдан, мол-мулк солиғи механизмида айрим мунозарали масалалар сақланиб қолаяпти. Жумладан, амалдаги солиқ қонунчилигида муддатида ўрнатилмаган асбоб-ускуналар учун икки карра оширилган ставкада солиқ тўлаш белгиланган. Назаримизда ҳеч бир тадбиркорлик субъекти асбоб-ускуналарни хариб қилиб, уларни ўрнатиб ишлаб чиқаришда фойдаланмасликдан манфаатдор эмас. Шу боис, юридик шахслардан олинадиган мол-мулк солиғи объектидан муддатида ўрнатилмаган асбоб-ускуналарни чиқариб ташлаш керак. Бу ўзгариш натижасида тадбиркорлик субъектларининг солиқ юкини камайишига ва солиқ тўловчилар ихтиёрида қўшимча маблағ қолишига эришилади.

Амалдаги солиқ қонунчилига асосан жисмоний шахслардан олинадиган мол-мулк солиғи кадастр идоралари томонидан тақдим этилган жисмоний шахсларга тегишли кўчмас мулк объектларининг кадастр қийматлари асосида солиқ органлари томонидан ҳисоблаб чиқарилади. Лекин жисмоний шахсларга тегишли кўчмас мулкларнинг кадастр қийматини белгилаш тизими мулкни баҳосига таъсир қилувчи қатор омиллар инобатга олинмаганлиги сабабли кадастр қиймати унинг бозор қийматидан фарқ қилади. Шу боис, жисмоний шахсларнинг турар жойлари ва нотурар объектларини кадастр қийматини белгилаш тизимини такомиллаштириш мақсадга мувофиқ.

Шу билан бирга, жисмоний шахслардан олинадиган мол-мулк солиғи ставкалари солиқ солиш объектининг эгаллаб турган майдони (кв.м)га қараб табақалашган. Лекин бунда битта солиқ тўловчига тегишли бўлган бир нечта мол-мулк майдони ҳисобга олинмаган. Бизнингча, мол-мулкнинг умумий майдони аниқланаётганда солиқ тўловчига тегишли бўлган барча мол-мулклар ҳисобга олиниши керак.

<i>Usmanova M.S., Xamidov Sh. IQTISODIYOTNI MODERNIZATSIYA QILISHDA DAVLAT BYUDJETNING MOLIVAVIY STRATEGIYASIDA SOLIQLARNING TUTGAN O'RNI VA TAKOMILLASHTIRISH YO'LLARI</i>	79
<i>Usmanova M.S., Bakirova M. TARAQQIYOT STRATEGIYASINI AMALGA OSHIRISHDA BYUDJET-SOLIQ SIYOSATINI TAKOMILLASHTIRISHNING USTUVOR YO'NALISHLARI</i>	82
<i>Salomov A., Berdiyeva U. TARAQQIYOT STRATEGIYASINI SAMARALI AMALGA OSHIRISHDA SOLIQ TO'LOVCHILARNING BYUDJET OLDIDAGI QARZDORLIGINI KAMAYTIRISHNING AHAMIYATI</i>	85
<i>Usmanova M., Murtozaeva Z. FISCAL POLICY REFORMS IN THE REPUBLIC OF UZBEKISTAN</i>	88
<i>Қиёсов Ш.У. ЖИСМОНИЙ ШАХСЛАР ДАРОМАДЛАРИДАН ОЛИНАДИГАН СОЛИҚ: ХУСУСИЯТЛАРИ ВА ВАЗИФАЛАРИ</i>	90
<i>Юсупбеков А., Юсупбекова Д. СОЛИҚ ИМТИЁЗЛАРИНИ ТИББИЁТ МУАССАСАЛАРИ ВА ТИББИЙ ХИЗМАТЛАРНИ РИВОЖЛАНТИРИШДАГИ ЎРНИ</i>	92
<i>Эрназаров Н.Э. АКЦИЗОСТИ ТОВАРЛАРНИ СОЛИҚҚА ТОРТИШ АМАЛИЁТИГА ЯНГИЧА ЁНДОШУВ ХУСУСИДА</i>	95
<i>Ибрагимов Б.Б., Эгамбердиев Ш.К. БЮДЖЕТНО-НАЛОГОВАЯ ПОЛИТИКА: ОТ РЕАЛЬНОСТИ К ПЕРСПЕКТИВАМ</i>	97
<i>Джамалов Х.Н., Худойкулов С.Т. ВОПРОСЫ РАЗВИТИЯ МЕТОДИЧЕСКОГО ОБЕСПЕЧЕНИЯ НАЛОГОВОГО КОНТРОЛЯ</i>	100
<i>Yo'lchiyev A. O'ZBEKISTON RESPUBLIKASIDA TRANSFERT NARXLAR SHAKLLANISHINI TARTIBGA SOLISHNING SOLIQ MEKANIZMI</i>	104
<i>Мейлиев О.Р. МАҲАЛЛИЙ БЮДЖЕТЛАР ДАРОМАДЛАРИНИ ОШИРИШДА МОЛ-МУЛК СОЛИҒИНИНГ АҲАМИЯТИ</i>	107
<i>Камалов А.К. ҲУДУДЛАРДА ТАДБИРКОРЛИК СУБЪЕКТЛАРИГА БЕРИЛАЁТГАН ИМТИЁЗЛАРНИ ТАКОМИЛЛАШТИРИШ</i>	115
<i>Сафаров Ғ.А. РЕСУРС СОЛИҚЛАРИНИ ТАКОМИЛЛАШТИРИШ</i>	121
 2-СЕКЦИЯ. РАҚАМЛИ ИҚТИСОДИЁТ ШАРОИТИДА САМАРАЛИ СОЛИҚ МАЪМУРИЯТЧИЛИГИ ФАОЛИЯТИНИ ТАЪМИНЛАШНИНГ НАЗАРИЙ-КОНЦЕПТУАЛ АСОСЛАРИ	
<i>Уразалиев К. ИЗЧИЛ СОЛИҚ МАЪМУРЧИЛИГИ - МАМЛАКАТ ИҚТИСОДИЙ РИВОЖЛАНИШИНИНГ МУҲИМ ОМИЛИ</i>	126
<i>Усманова М.С. АҲОЛИ ДАРОМАДЛАРИНИ СОЛИҚҚА ТОРТИШНИНГ НАЗАРИЙ АСОСЛАРИ</i>	130
<i>Джамалов Х.Н., Кенжаев Н.И. ОБОСНОВАНИЕ МЕТОДОВ ПРЕОДОЛЕНИЯ СЛОЖИВШИХСЯ ОГРАНИЧЕНИЙ ЭФФЕКТИВНОСТИ ФУНКЦИОНИРОВАНИЯ МЕХАНИЗМА НАЛОГОВОГО АДМИНИСТРИРОВАНИЯ В РЕСПУБЛИКЕ УЗБЕКИСТАН</i>	132
<i>Аманов А.М. ЯНГИ СОЛИҚ ТИЗИМИНИ ЯРАТИШДА РАҚАМЛАШТИРИШ ЖАРАЁНИНИ ТАШКИЛ ҚИЛИШ</i>	136
<i>Зарипов Х.Б. НАЛОГОВОЕ АДМИНИСТРИРОВАНИЕ ПО НАЛОГУ НА ИМУЩЕСТВО</i>	138
<i>Артиков Н. А. РАҚАМЛИ ИҚТИСОДИЁТНИНГ КРИПТОВАЛЮТАГА ОИД СОЛИҚ МУАММОЛАРИ</i>	141
<i>Юсупов. О.А. СОЛИҚ ОРГАНЛАРИДА СОЛИҚ ТЕКШИРУВЛАРИНИНГ ТУРЛАРИ ВА УНИ ЎТКАЗИШ ТАРТИБИНИ ТАКОМИЛЛАШТИРИШ ЙЎЛЛАРИ</i>	146

**ЎЗБЕКИСТОН
РЕСПУБЛИКАСИДА СОЛИҚ
МАЪМУРИЯТЧИЛИГИ САМАРАЛИ
ФАОЛИЯТИНИ ТАЪМИНЛАШ:
НАЗАРИЙ-КОНЦЕПТУАЛ АСОСЛАР
ВА АМАЛИЁТ МУАММОЛАРИ**

Республика миқёсидаги илмий-амалий конференция материаллари

*Муҳаррирлар: Т. Долиев
Компьютерда саҳифаловчи С. Долиев*

Нашр. лиц. АИ № 305. Босишга рухсат 28.04.2022-йилда
берилди.

Бичими 84x108/16. Offset қоғози №2. «Times» гарнитураси.

Шартли б.т. 49. Нашр ҳисоб т. 46,2

Адади 5 дона. 18-buyurtma.

“QAMAR MEDIA” нашриёти
Тошкент, Mirobod, Qo‘yliq 4-mavze, 3-uy, 26-xona.

“RELIABLE PRINT” MCHJ
босмахонасида чоп этилди.
Тошкент, Chorsu maydoni, 3-A uy.